

百
柱
堂
全
集

國史館本傳

王柏心湖北監利人少穎異博涉經史肆力詩古文
詞爲老宿推重道光二十四年進士以主事用籤分
刑部二十五年乞養歸不復出以孝聞於鄉里主荆
南書院課士之餘承歡養志以是爲恆咸豐二年粵
逆竄楚柏心奉

命辦理團練籌軍決策動合機宜時賊困長沙柏心建議
以岳州爲楚北門戶宜重兵防守迨賊攻長沙益急
復逆料六策以賊必因糧於我因丁壯利器於我宜
守隘設奇使其進無所掠退無所據長郡可保無虞

惟不可縱其東下令賊編筏出洞庭則不可復制當事皆以爲然三年前署湖廣總督張亮基督軍楚北柏心參佐戎幕建議以漢陽宜設重兵而後武昌乃得保岳州必設重兵而後湖南可無事田家鎮爲兩楚關鍵必有強兵猛將而後兩湖可無虞亮基避之四年賊由金陵上犯侍郎曾國藩擊敗於岳州柏心寓書國藩謂宜乘勝東下決策深入先取金陵國藩用其策又謂賊踞金陵雖眾無所憚惟謹守北岸毋令渡江然後分兵扼守令賊不得掠地益糧截其餉路形格勢禁必不敢四出旁犯待彼糧盡視其城守

有隙分襲其城或營屯稍懈急攻其壘或更番迭進
或設伏誘之當得奇捷嗣胡林翼巡撫湖北屢畫奇
策攻復省城及漢黃各郡是年丁父憂前總督楊需
巡撫胡林翼皆延聘入幕辭不赴七年胡林翼以鄂
省新復瘡痍未起宜紓民力銳意剔除漕弊知柏心
隱懷憂憤致書求相助爲理因與同邑前山西布政
使胡大任戶部主事龔紹仁共爲贊議去其中飽期
於益

國便民百年奸竇剔除殆盡至今賴之十一年前順天
府府尹蔣琦齡上中興十二策以柏心留心經濟請

目錄用以母老辭同治元年進呈經論復應

召陳言繕就封章二道由雲貴總督張亮基代奏其進呈

經論云竊臣觀自古人臣進戒之言莫詳於尙書然

禹皋之謨略而雅周公之篇煩而悉其簡質明確者

莫如伊訓之辭臣伏念

皇上蘿圖新纂適屆沖年

念典緝熙

日新聖學

講幄師儒充盈左右啓沃之效無待他求但臣銓伏隴畝

結念

闕廷區區芹曝之忱有不能自已者謹取伊訓及太甲三
篇要語衍爲論八首不自度量恭呈

乙覽竊自比於陵賦矐誦師箴工諫之列惟

皇上遜敏餘暇垂神寓目言雖膚淺意主納忠或冀

聖心有所感發是亦所以補助於萬一者也其應

詔陳言疏云

臣

聞言不切直則不足以盡事理而發上心

言切直則犯時忌而取咎戾此古之人懷忠蘊智所

以結舌而不敢言者也今

臣

幸逢不諱之

朝懇詔設鐸招進言者故不避斧鉞之誅冒昧應

詔上封事略其瑣且泛者惟切直是陳欲爲

皇上助成

聖德開廓大計又自分犬馬之年景迫桑榆不能陳力當
世獨此區區之忱竊效野人芹曝之獻其目有八四
者言內事四者言外事詞懇計迂伏惟

皇上憫其疏拙

賜之寬宥

鑒而察焉一日廣師儒

皇上典學方勤宜

命廷臣亟舉賢明師傅及講讀之臣不必專用翰詹凡內
外臣工或山林隱逸訪知德行深粹操履端方經術

流通史學貫串詳練古今深達政體者俾專啓沃
朝退之餘卽次第陳說加以問難理解了然時加紬繹
所告者必聖賢之道所述者必帝王之業日增月益
積小至大

聖功養正盛德輝光由此而修身以道

皇建其極立綱陳紀皆可恃源以往矣一日屏嗜慾觀主
德之明昧觀其嗜慾之有無而已夫主方少冲又嗣
服之初尤左右近習所乘而雜投者也竊窺人主之
嗜慾緣之而進惟患導之不廣順之不速始則迎之
以侈旣則進之以驕後則誘之以怠荒土木遊幸音

樂田獵禱祀之事無不並興而危亂之至不旋踵矣
人主能於此時力屏嗜慾不授之以隙則佞幸者漸
遠而方正之士乃得前忠直之言乃得聞夫嗜慾豈
獨在奢靡蕩佚哉桀夷公好言利齊桓公好服紫漢
孝元多材藝善史書鼓琴吹簫度曲被歌光武好圖
讖決事陳隋二主好詞賦皆足以害俗而妨政况於
冒貢非幾失德之甚者哉一曰博諮訪三代有坐論
之禮非特用虛文優臣下亦以謀謨所出動關治忽
必敷奏淹晷往復暢論君推誠以詢其臣臣盡智以
復於上然後裁決幾務莫不曲當耳至秦而此禮遂

廢故後世君臣之情多隔退而上章奏牘繁多動致
寢閣事機叢脞往往由此臣愚以爲坐論不能復於
大廷且當復於

便殿每日

朝罷別行

召對自京朝官或方鎮監司入

覲者分日引數人

召問輪對

詢以朝政得失人才賢否四方水旱宜以何策銷弭姦宄
反側宜以何策削平當今設施孰爲先後所掌職業

用何報稱必使盡言無隱察其口奏卽知其人才略之高下有計畫稱長者徐加任用其依違飾匿者卽予屏退

皇上卽藉是以周知天下事昔苻堅之於王猛周文帝之於蘇綽唐太宗之於魏徵馬周後周世宗之於王朴宋太祖之於趙普動必相諮日夕謀議莫非戰勝攻取開濟太平之大務夫此數君者得一二士焉猶足以富國強兵坐致昇平而况廣羅俊傑合羣才以濟務夫何患之不除何功之不就哉一日開特科歷代選舉賢才蓋亦多途近世專之於進士一科而尤重

者詞臣此可謂偏而隘者矣夫務浮文者少實用故大度之士羞語詞章往往韜晦深沈欲求致遠不屑以科目進卽黽勉就試亦多見黜何者今之所尙其取於士者不過撫拾虛談揣摩聲病曾雕蟲之不逮此宜雄俊英邁之士掉臂而不顧也今誠能破除積習不時舉行特科招徠異士上者將相文武之才次者明於理國安民能任股肱熟於古今事變可備顧問又次者文章典則議論剴切足充制誥臺諫之選或發策試之或使自占所長又令內外臣工博訪下僚及草澤有異才者疏薦之先觀其言隨試以事則

懷奇淪滯者皆望風奮躍爭赴

闕下此必有負鼎飯牛之佐起而應

側席之旁求者矣一日先下金陵方今海內幾於無地無
賊然用兵有先後其急宜誅討者粵逆也粵逆蔓延
徧東南然竊據形勢巢穴所在實惟白下則先宜拔
者金陵也夫逆之初起不過山谷跳梁一良有司或
一健將足以制之無難事者而縱之出柙狂噬橫奔
委赤子數百萬於猘狗豺豕之口致

文宗顯皇帝震驚於上及

皇上纂緒而兇渠猶未就戮斯則前此視師大臣與疆吏

喪師誤國之咎也其後趙南人村奮起提金鼓而伸
大義人百其勇屢挫賊鋒遂復楚皖淪沒之地築鯨
鯢爲京觀拯生靈於水火可謂功冠一時矣然頓兵
皖境者又五年於茲夫賊非無可乘之隙也我非無
可用之師也謂敵方眾我軍單而饑竭未能建深入
大舉埽穴犁巢之計昔隋文帝但用一楊素而悉平
吳越交廣之寇唐高祖但用一李靖而悉平吳越江
淮之寇豈必數十萬之眾儲數年之軍資而後發哉
在乘機用奇先聲後實而已今粵逆之強且眾孰與
隋唐東南之羣盜不聞當時素與靖躊躇不進也且

粵逆倡亂已逾十稔驍渠悍酋死亡略盡今所迫脅
大抵齊民日夜思歸動易解散我據長江上游彼無
從掠取糧食勢不能久彼又悉其眾力萃於兩浙迫
狹近海譬猛獸自投陷穽度其畱守金陵必皆老幼
不堪戰鬪我若水陸馬步乘虛疾下師抵石頭一鼓
拔之矣旣掘其根株彼無歸路卽傳檄豫章合力進
擊蹴之於海先檄閩中水師伏於甯波並沿海等口
前後夾攻賊飛走路絕一戰可殲此東晉滅盧循之
策粵逆旣殄四方盜賊聞之不攻自潰故曰莫如先
下金陵今熟視其淫名僭號據形勢財賦之區睢盱

自若毒威肆虐使江表黔首慄慄於死地無所控告
久且不復知有

朝廷而我猶按兵坐甲不遣一人一騎至城下聲罪致討
視若敵國外夷者然夫一日縱敵數世之憂且賊之
勢可以衰而復振我之饒愈以久而益匱恐欲盡疆
而守未可得也伏乞

飭下江皖任閫寄者會集將士刻期東下直取金陵金陵
下而粵逆之亡計日可待其餘他盜皆可折箠笞之
耳一日宜早備秦豫今天下兵力及將帥有才望者
皆在東南及燕齊矣而豫州居九州腹地秦中號爲

天府苟幸無寇偷過目前自軍興以來未聞選才臣
名將治師其間以彈壓遠近待緩急之用臣愚以爲
宜擇大臣有文武方略者建節秦豫如古之招討宜
撫合兩行省爲一專以勵兵講武爲事豫州扼河而
守則賊不得渡卽渡吾引師蹙其後彼必狼顧不敢
深入就令深入燕齊之師戰於前秦豫之軍躡其後
賊必殄盡矣秦守陝洛崤潼之險無令賊得正目而
窺則雍涼安堵三晉晏然九邊諸關鎖鑰皆嚴今不
早計因循恬嬉萬一捻賊粵逆連衡衝突秦豫瓦裂
燕齊之禍必重不見元明季世之事乎故臣謂宜用

重臣治兵秦豫募兵十萬歲需餼錢不過二三百萬
日夕訓練足成勁旅所向無敵高可見勤王翼戴之
勛次可爲四方助討不庭及今圖之固未爲晚夫事
有似緩而實急似費而實省者此類是也伏乞

下臣

議博問廷臣如策尙非謬便早行措施庶無貽他日
之悔一日外吏宜量擇才用竊見比來閭閻察行間
有功者保薦於上一切多擢用文職外吏大者任監
司陳臬事筦藩條甚者且開府連圻下者除守令不
勝計夫當其在軍中雖能率先士卒摧堅陷陣殄戮
鯨鯢收復城邑醺其功勛宜加優賞但當制爲虛級

如秦時左右更左右庶長漢時亭侯鄉侯之類擇其
功多者處之其次厚賜金帛田園亦足慰其志願若
有才兼文武者固可持節治民若其不諳文法不習
民事不當一概責之以簿書民社與夫察舉簡吏及
庶獄庶愼之是勤也夫才各有能有不能達才易務
必多繆盭徒令奸胥乘間生其高下之心而小民終
不能蒙纖毫之利也自今請

飭下閭臣及部臣凡陣前立功將士非明吏治者則第以
武功爵及金帛酬之俟賊平罷兵後更加優敘崇以
虛階庶於賞功安民兩不相戾一日行營宜寬減權

算夫兵爲生民之大蠹方倚以平亂則兵又不能不
用然而用財不可勝計芻糧器械之屬非財莫濟也
購賞問諜之類非財莫贍也今各行省往往苦賊凡
專征及大小將校皆有行營所據皆荒殘之壤府庫
告竭轉輸不繼於是括往來商旅以充軍租號曰抽
取釐金在在設局委士人司事其始磨辟聘者多激
於忠義廉介自持軍不乏饒頗得其力後則稍稍視
爲利藪矣密網峻文甚於羅畢商賈有脫漏者則罰
至十倍數十倍往往有罄貲傾橐尙不免於縲紲鞭
朴或坐以軍法水陸要津公局森列皆設礮艇刀仗

以威勅制之畱難搜索道路以目末流之弊乃至於此臣愚以爲方今權算萬不可罷其畱難苛虐及重罰巧陷等弊概予寬豁且請

飭下各行營將帥凡權算司事必選用廉正之人急收將散之民心則人懷敵愾賊不難平也疏上

諭曰張亮基代遞京員封事一摺湖北在籍刑部主事王柏心進呈經論及應詔陳言各一摺因張亮基路過荊州求爲代遞言皆忠告具見惓忱所呈伊訓及太甲要語經論八首卽着弘德殿存記以備乙覽其應詔陳言八條內所請開特科寬權算二條着各該部

妥議具奏其餘六條分別內事外事所言亦多可採
着畱中備覽九年丁母憂十二年卒於荆南講舍年
七十五柏心爲學務歸篤實生平辦香范文正隱然
懷用世之志少遊京師前湖北按察使唐樹義見其
文奇之謂人曰子壽乃叔度林宗之儔非今世人也
前湖廣總督林則徐聞其名禮致之許爲國士其爲
文經術湛深議論純正悉有關於倫紀風教之大學
問心術之微海內名流爭相傳誦所著有樞言上下
卷導江三議一卷漆室吟八卷百柱堂詩八卷詞一
卷子壽詩鈔六卷螺洲近藁六卷文藁二十卷纂修

黃岡縣志十六卷東湖縣志十二卷宜昌府志十六卷當陽縣志十八卷漢陽縣志二十卷臨湘縣志十四卷監利縣志十二卷晚年四方求文者益多日不暇給以詩文就正者踵相接殊無厭苦卒之夕猶挑鐙起草蓋自少至老未嘗一日釋卷云光緒二年禮部題請入祀鄉賢祠五年陝甘總督左宗棠疏言前刑部主事王柏心素以文學見重於時爲

臣

素識咸

豐三年

臣

從已故署湖廣總督張亮基在鄂柏心與

臣

同居幕中見其籌筆從容算無遺策心誠傾服後

臣

移督陝甘師過黃州郵書訂其漢皋途次一見詢

以關隴山川形勢用兵次第及時務所宜先者柏心
罄所知以告蓋嘗入前雲貴總督林則徐及前陝甘
學政侍郎羅文俊幕徧歷關內郡縣輿程日記歷歷
可稽其於漢回兩種人習俗性情知之尤審也臣去
湘已久親故聞臣將有萬里之行來鄂渚省視言及
關隴情狀多爲臣危柏心獨不爲然臣爲之氣壯後
此三道進兵堅持緩進急戰之議亦柏心有以啟之
其學問深邃識略超羣足達其忠愛之意非時賢所
易及可否仰懇

天恩飭將刑部主事王柏心宣付史館立傳以存其人俾

士之矜尚志節者有所觀感於世教不無小補疏上
諭曰左宗棠奏請將故員事蹟宣付史館一摺已故刑部
主事王柏心學識過人熟悉山川形勢左宗棠督師
關隴多資其議着照所請將該員事蹟宣付史館立
傳以資觀感

欽差大臣督辦新疆軍務太子太保東閣大學士總督陝
甘等處地方軍務糧餉兼理茶馬管巡撫事二等恪
靖侯加一等輕車都尉

臣

左宗棠跪

奏爲已故軍務人員志節可傳伏懇

天恩宣付史館恭摺仰祈

聖鑒事竊維治軍以求才爲急方略必資儒碩經武厥賴
英才蓋必志節著於平時其體已立故事功見於當
世有用必行善觀人者正不在乎事爲之末彼夫工
於論辯惟知獵其華者不足以言儒徒尙氣矜不知
養其勇者不足以言武功名之際志節存焉非華士

之彬郁麤才之猛厲所可襲而取也

臣

湘水寒生於

當世賢豪少所結識初參戎幕繼領兵符自忖學殖

荒陋無補時艱亦惟藉助同心匡其不逮所與商略

軍事始終攸賴資志以歿者約有四人其成就之大

小志事之顯晦各有不同而立身本末均有可觀在

臣

軍營多所裨贊雖人往風微而回首舊游每耿耿

於懷未嘗一日去諸胸臆謹撮舉梗概約略陳之前

刑部主事王柏心湖北監利人素以文學見重於時

爲

臣

素識咸豐三年

臣

從已故署湖廣總督張亮基

在鄂王柏心與

臣

同居幕中見其籌筆從容算無遺

策心誠傾服後張亮基調撫山東

臣

與王柏心同舟

而歸過其所居過園王柏心盡發所著錄十數種見
示其早年所刻樞言一書於歷代興亡成敗得失之
故言之了然尤多可採時則東南鼎沸羣盜縱橫王
柏心作漆室吟自寫憂憤當事延致戎幕概辭不赴
胡林翼撫鄂請主荊州講席書緘往復雖勤然未嘗
一詣省會也

臣

在閩浙音訊時通未得一晤移督陝

甘師過黃州郵書訂其漢皋營次一見築營甫成王
柏心適至詢以關隴山川形勢用兵次第及時務所
宜先者王柏心罄所知以告蓋嘗入前雲貴總督林

則徐及前陝甘學政侍郎羅文俊幕徧厯關內郡縣
與程日記厯厯可稽其於漢回各種人習俗性情知
之尤審也維時臣去湘已久親故聞臣將有萬里之
行來鄂渚省視言及入關度隴艱險情狀多爲臣危
者王柏心獨不謂然臣爲氣壯後此三道進兵堅持
緩進急戰之議亦王柏心有以啟之其學問深邃識
略超羣足達其忠愛之意非時賢所易及也旋卒於
荊州講舍竊慨天之生材不易士之才而獲底於成
卓有表見亦良非偶若王柏心之嗜學不求聞達志
在匡時皆臣軍所不數覩而或遇之遲暮之年或失

之相需正殷之際該故員不克多所建樹以竟厥施
實有耿耿於懷不能自釋者可否仰懇

天恩飭將已故刑部候補主事王柏心

宣付史館立傳以存其人俾士之矜尚志節者有所觀焉於世
教不無小補不勝悚惶待

命之至謹據實具奏伏乞

皇太后

皇上聖鑒訓示施行謹

奏

光緒五年三月三十二日專差拜發光緒五年閏三月

二十三日內閣奉

上諭左宗棠奏請將故員事蹟宣付史館一摺已故刑部主事王柏心學識過人熟悉山川形勢左宗棠督師闕隴多資其議着照所請將該員事蹟宣付史館立傳以資觀感欽此

右疏內所言約有四人同時合奏宣付史館安徽潁州府教授夏公旻安徽當塗縣人次先螺洲公中書科中書吳公士邁湖南巴陵人翰林院編修吳公觀禮浙江仁和人

湖北巡撫臣翁同爵謹

題爲公舉入祀鄉賢祠恭疏具

題仰祈

聖鑒事據署湖北布政使王大經詳稱准前司移交據荊
州府知府倪文蔚轉據署監利縣知縣朱宗濤詳准
儒學牒據孝廉方正胡大仕等呈稱邑故刑部廣西
清吏司主事王柏心列職秋官分猷獻典望重斗北
教衍荆南子道與師道兼隆治術偕學術並茂源竄
洙泗宜報馨香業述朱張克光俎豆惟比部太原右
族楚地名宗生秉奇異之姿長嗜典墳之籍藻芹甫

掾廩餼隨叨發軔龍門三年養健先聲鵬路一旦沖
霄道光二十三年癸卯鄉試中式第十一名舉人高
攀蟾桂雅賦鹿茸鑪九轉而純青紵三升而脫白蕊
宮唱曉鵬翼奮飛杏院探春馬蹏得意二十四年甲
辰會試中式第一百九十四名進士名旌題於雁塢
彩競耀於

鸞坡迺承

北極之恩俾視西曹之政素識嫺夫讀律學無媿於引經
白雲參清獄之權仁施犴狴丹筆懋明刑之績德種
栢楊方襄治於棘筵已馳聲於華省而乃瞻雲志切

愛日情殷遂辭簪組之榮顯揚克遂

絲綸寵被雙親潄潄能供菽水歡逾列鼎戀庭闈之色笑
祗乳縈懷延耄耄之春秋烏私養志膳羞必潔生事
則婉以承顏哀戚無忘廬居則老而猶慕况復誼澤
雁序感重鵠原推肥有趙孝之風讓產高薛包之義
子瞻愛弟師友相兼溫公事兄敬恭可式田氏三荆
足比姜家大被無殊俄同氣之先凋撫遺孤而尤厚
馬伏波特嚴訓誡成就兄子居多第五倫無間親疏
恩勤弟妹不少斯皆彝倫之敦篤愈信孝友之肫誠
當夫解綬以還遭時多故初則頻年水潦因之載道

流離屢爲大府而陳詞恆頒賑貸屬有名公之饋粟
舉活鄉閭繼以癸甲之交猷綸方盛每撫膺而動歎
輒蒿目以增憂思宏濟於艱難頻出山中計畫資贊
籌於餽餽早清宇內塵氛時則民困未紓漕章久紊
指陳利害片言藉以除苛屏退奸回羣小因而見睨
一方戴德萬姓更生由其大義素明是以隨施悉當
迨至元書鳳紀慶際

龍飛仰

紫殿之崇登抱丹忱而抒悃陳言應

詔鸞綽褒嘉史冊垂型鴻名不朽足徵寵榮於殊遇益彰

忠愛於儒臣至若收族敬宗本根是庇扶危濟困長
厚咸欽勤解推而誼重故交喜獎譽而拔先貧士倡
修試院成廣廈於萬間助葺鄉賢昭隆綱於千古培
後起以崇賢哲俾續詩書捐遺產以惠士林永儲膏
火誠哉善難枚舉德實樹滋矣當事以模範可師聘
徵特致主講荆南書院爾乃緇帷闢道絳帳傳經銜
業惟重本原教誨必先根柢簡編永日著述維勸鐘
鼓聞聲講論不倦肅廉隅而却執贄人自濯磨周寒
皜而出束脩士知感激聆其風者胥懷景仰受其範
者羣率儀型問字時來從游日眾廿餘年久資化育

推郭泰爲人師七邑士共沐甄陶皆胡瑗之弟子凡
茲模楷罔不尊崇物望所歸明徵斯在勒諸旂常而
不愧訪之桑梓而同稱宜躋崇祀之班允協鄉賢之
位爲此備呈節略公詣鎮堂尙旂加牒勘詳上申
鳳闕庶幾藝林矜式知有偉人

聖代旌揚洵無缺典等情由學查明取造事實冊結牒縣
齎府遞加印結由司詳請具

題前來該臣看得監利縣已故刑部主事王柏心性敦
孝友學有本源春榜書名秋官著績辭郎曹於早歲
志遂烏私主講席於名山經傳鹿洞纂書徵信歐陽

予蓄道德兼擅文章應

詔陳言范希文居江湖尙憂廊廟疏巨浸而利興水道百
千艘共沐恩波上大府而弊革漕章億萬姓永叨惠
澤洵屬言坊行表足裨

國計民生既協輿評宥邀

祀典據該府縣學查明取造事實冊結由司詳請具

題前來臣覆查覈無異除冊結揭移部科外理合會同

湖北學政臣王文在合詞恭疏具

題伏乞

皇太后

皇上聖鑒勅部覈覆施行再湖廣總督係臣兼署毋庸列

銜合併陳明臣謹會

題請

旨

禮部謹

奏爲議覆名宦鄉賢事光緒二年禮科抄出湖北巡撫
翁同爵等疏稱已故刑部主事王柏心性敦孝友學
有本原請入祀鄉賢奉

旨該部議奏欽此欽遵到部查例開崇祀名宦鄉賢該督
撫會同學政每年八月前具題並將事實冊結送部
詳覆於歲底彙題確覈事蹟倘名實不能相副及僅
以人品學問空言譽美者卽行指駁又子孫現任九
卿祖父不得題請入祀名宦鄉賢果有鄉評尤當政
事人品足爲矜式者仍俟其子孫身後再行辦理各

等語今該撫送到事實內開已故刑部主事王柏心
湖北監利縣進士以省親歸里掌教荆南書院二十
餘年其學主於篤實務求有用咸豐間奉

旨任籍辦理團練當道諸人諮以軍事知無不言同治初
元呈遞尙書入論封事八條奉

旨嘉許其餘有裨時事者言之深切著明悉可施行官京
師一年卽歸侍色養垂三十年遭父喪哀痛倍至大
吏先後疏薦皆以母老辭居母憂年逾七十終制猶
有戚容兄弟七析居早館穀所入竭力以助弟先卒
者四人爲撫遺孤皆成立待諸從姪亦如之其師殯

難武昌家貧懸諸都門時恤其困乏視其遺孤尤厚
有友貧死漢皋爲經紀殯殮告其家扶柩歸至故舊
貧乏或其子孫無以自存者皆殫竭以助若有急難
救益力道光己酉巨浸爲患升米百錢道殣相望故
官有米百石減價平糶輓轡運轉錢盡乃止以臨湘
之佛嶺祖遺茶山捐入書院咸豐丁巳鄂省新復瘡
瘡未起與巡撫胡林翼商辦漕務百年宿病悉除若
勸助軍餉修復邑中

文廟暨省城貢院皆爲之倡極重忠節憫前明張文忠
後裔多貧失學爲擇十世以下孫勸就塾倡捐集同

人輸金爲肄習資生平撰述如樞言等書凡十數種
四方求文者日不暇給蓋自少至老未嘗一日輟
云等語_臣等公同查覈該撫請將已故主事王柏心
入祀鄉賢之處係屬名實相副謹擬准其入祀鄉賢
祠恭候

命下_臣部行文該撫遵奉施行所有_臣等遵議緣由謹援
照成案改題爲奏爲此謹

奏請

旨光緒二年十二月二十五日具奏本日奉

旨依議欽此

百柱堂全集序

道光之季年子壽在京師余時相從飲酒賦詩泛言天下之務是時

宣宗在位久法度具備務以安靜休養元元嘆夷就撫之後益重用兵中外晏然僉謂無事子壽嘗深賸太息抱無窮之憂人皆迂之以是特文人之習云爾子壽久以文章名海內及解褐以主事候補刑部而年逾四十二親篤老刑名又非所樂年餘卽謝歸居監利之螺山已而賊出廣西蹂躪東南洞庭荆口之間賊屢出沒購子壽甚急走山中迺免螺山去岳州僅一舍隔江彌望皆湖南山也方賊披猖時江湖騷然

遠近雲擾余亦伏身窮谷與子壽絕不相聞居閒處獨念茲在京師遊讌時誠不意遽至此兩人之聚散離合益未敢知已今年入都過螺山訪子壽之居故無恙相見大喜遂畱縱談劇飲至夜分酒間出詩曰漆室吟者謂余此王子以來感時述事之作也用兵之方略與夫政理之要皆見於是前人無此體也君於詩雄麗深博源出漢魏要歸於杜甫奄有明李夢陽何景明之長余最所愛慕及觀於是又非徒筆墨馳騁極文辭之能世以君爲文人慎也以君之材內而與廟堂之謀議外而使從軍旅之事其所建樹必震耀當時君旣磊落自重其遇晚而官又不高不得行其志乃遂絕意進取寂

寔於荒江曠野之中狎麋鹿而侶魚蝦遭時多虞流離兵革
然而忠愛悱惻之意須臾未嘗忘身處荒遠不能自致獨時
感激哀吟舒其堙鬱自比於魯漆室之女重可悲矣漢唐以
來未有治平二百餘年民物康阜如

本朝者戶孳而寢貧兵銷而寢弱民俗薄吏道媮而封疆由
此多故雖盈虛消息理數之自然抑豈不關人事歟天下之
病當其責者不憂憂者不當其責子壽前日之憂旣不幸而
驗矣今之所憂亦徒垂之空文天下之患何時弭君之憂何
時釋乎子壽之髮日白其殆將以是老也夫旣別舟至天門
書而寄之以爲序咸豐七年五月善化孫鼎臣

序

予嘗驅車大漠歷曠原寥天萬里平望無際俄飛塵蔽日驚
砂漫空陣馬奔騰驕嘶怒吼人語不聞輿子僕夫相顧失色
且駭且愕懺心怵目頃之狂飈頓息氣和景清遠樹遙天蔚
然一碧乃歎曰此陸行之奇觀也又嘗浮長江泛洞庭泝滌
水峰巒插雲波濤滾雪湍聲石聲澎湃噴激忽晦忽明晴雨
萬狀復歎曰此舟行之奇觀也斯境也予嘗於螺洲子壽比
部之詩得之比部負異才童年卽能詩自少而壯而老無所
夕倦故所爲詩雄宕有奇氣同時竟陵劉子孝長胡子子重
監利蔡子季舉往來倡和張楚軍顧其才皆不逮比部比部

含咀經史浸淫漢魏高華匹太白沈痛躋杜陵盛唐以下取
弗爲昌黎云李杜文章在光燄萬丈長比部有馬性高澹不
樂仕進雖釋褐登朝而軒冕立脫放迹江湖卷懷槃阿囊橐
蕭然自若也然而才儲匡濟名噪公卿當粵賊迭陷武昌制
府楊公中丞胡公先後延比部參軍謀固辭不果所議合機
宜決一言無僨事蓋其忠愛之誠雖身處山林未嘗須臾忘
君國也豈僅扞揚風雅才名藉甚當時哉先是比部爲諸
生時與予訂交終日論詩旨趣無不合迨壯遊雍涼燕薊雲
山間阻嘯咏長通奔騰澎湃洵有如陸行舟行之瑰奇傑特
者益歎比部之詩之縱橫變化直追盛唐高乎其莫京淵乎

其莫測也近聞比部感時諷事悉託詠歌興愈豪集愈富縱
未經目睹吾知其所造當更有深焉者矣嗟乎吾楚詩人若
季舉孝長子重輩相繼隕歿惟比部獨存予又以作吏黔中
數載不獲一見憶曩昔良朋萃處詩酒相徵迓落落晨星風
流雲散噫可慨也夫

咸豐十年春仲姻愚弟秋丞夏成業拜譔

序

余以商橫初夏謁比部王壽翁於荆南講舍茶香酒熟暑
旬淹因得讀所著古文皆兵興時語也烽煙霧結懷念絲棼
楮墨載宣才華斯露循覽既遍乃從而識之曰昔文饒正藩
鎮之誅採芻蕘於小杜宣父取夏令之善傳典則於繼周言
不爲乎一時文有益於天下昭章日月彌薙風雲霞綺橫空
金聲布遠宜其並德功爲不朽垂名譽於無窮也今觀比部
諸作指陳時勢相度機宜伏波米聚而山成子房籌運而箸
借昌黎之論淮右營平之料羌戎不是過也則有若上曾司
馬胡中丞與羅方伯李廉訪郭太史左兵部胡儀曹諸書述

戰守之經察營壘之變南陽八陣圖繪烏蛇渭水六韜名兼
豹虎明正奇相生之妙詳首尾互應之方則有若軍事臆說
事機臆議行營事宜答客問論四間籌餉儲議軍政擬上形
勢制置諸書誌狀述哀質而不俚序記陳事簡而能該本議
論爲鋪張寫規匡於頌禱唐宋碑銘之約史漢論贊之嚴友
朋離別之箴山水眺游之契離形得似異曲同工則有若陳
西樵劉孝長傳唐方伯行狀李肅愍姚春木基銘祭李中丞
唐方伯文送馮展雲學使序其尤卓卓者也夫韓蘇文詞之
美鼂賈奏疏之良所以登之金匱石渠列於甲籤乙部者豈
徒貴其才高一代稟具万夫唾珠玉於行間走龍鸞於腕下

俾童蒙可拾香草學士競繡悅盤哉本生平所抱負度時務
之緩急鑄鐸宣乎億兆雲雷筮以經綸卽令遇知當年猶將
理伸後代諸葛寫申韓之語魏相條舒錯之言眉山校吳郡
之篇平津拾長沙之議曠世相感古猶今也奚獨靳於是編
某引繩無當汲頰不修夏蟲井甕自拘冰海日光玉潔親接
斗山一縱一橫侈漢廷之偉辨九天九地含吳國之名經盪
滌塵囊增張遠施綺文心織齊看錦繡風舒雲笈手披願借
薔薇露浣比部所製尙有樞言廿餘首漆室吟數百章韓筆
杜詩波瀾莫二荀鑒徐論旨趣能兼聞正始音續典型於大
雅歌陽春曲久膾炙於名流無藉揄揚故不復述長陽譚大

王文貞先生文集序

子壽先生自號曰螺洲晚年一號曰蘓叟其卒也門人私謚曰文貞先生生平著作梓行者有樞言導江三議漆室吟百柱堂詩稿其散文駢文賦詞雜著皆有待夫先生少而窮經長喜讀史其於子集則自周秦以下逮兩漢魏晉六朝唐宋各名家手披目覽成誦在心故其爲文鎔經鑄史發采揚華譬之滄溟總百流而爲深譬之泰岱小天下而爲高其氣沖牛斗其光接日月由其蘊蓄者厚也然第卽此而論先生之文臺閣鴻儒山林碩士皆知其不誣矣而先生之實際則又有深於此者焉夫先生曠觀往古盱衡當世方禍亂之未興

愚人不憂而先生獨憂之深樞言所由作也及禍亂之已彰勇者竭其力智者盡其謀卒賴以滅盜賊其功之大小不齊也朝廷之賜予亦有厚薄之差等焉艱難共濟爲不虛矣先生隱處山林可以囂然事外而乃獨居深念百計圖維揣山川之形便論將帥之材能度勢力之強弱計歲月之遲速旁及財賦咸代爲籌畫寓書發策徧走當道以故胡文忠公曰願北面而執弟子禮左文襄公曰凡所設施皆出智囊之餘今讀其集經濟有獨長焉文章云乎哉應詔陳言內外悉詳經論八首仰希阿衡其自命爲何如耶當時名公薦先生者不一其人皆堅謝獨以奉母爲樂夫有其功者收其效

盡其力者食其報先生雖未獲登廊廟膺爵賞而入祀鄉賢
史館立傳不可謂不榮矣今者去先生之歿二十餘載其哲
嗣及孫皆已故存者惟嗣孫暨曾孫門下士歿者亦居其半
未歿者已非少壯其未梓行之著作可不急謀乎於是寓書
於夏孝廉楚卿曰此不可緩急宜圖之楚卿曰諾乃鳩工而
新梨焉庶幾可以副天下之望矣至於手民之工與拙亥豕
之有與無編次之當與否在所不計惟存其文卽存其人斯
則區區之意耳後有慕其風者不難卽是而釐定之則余之
大願遂矣時光緒二十三年季春月門下士聶定焜謹敘

百柱堂文集刊校姓氏

督刊

鄧承潤字玉農江陵員外郎癸酉舉人

鄧裕升字雲階江陵刑部郎中

鄧裕聰字子宜江陵知府銜山西卽補直隸州

羅迪楚字景湘四川犍爲縣壬辰進士現任監利縣知縣

聶定焜字燿卿江陵中書

夏良材字楚卿江夏辛卯舉人

總校

楊承禧字致存江夏庚寅翰林

分校

童錫齡字鶴傳江夏辛卯舉人

周以存字試笙江夏甲午舉人

張彭齡字子鏡江夏丁酉舉人

周以蕃字金門江夏附生

杜光佑字菊孫江夏廩生

姚汝說字傳巖江夏歲貢候選訓導

李文藻字采青江夏廩生

林蔭青字少卿江夏廩生

羅綸字榆村江夏廩生

夏良林字樸卿江夏附生

百柱堂全集總目

卷首

國史館本傳 陝督左奏入史館疏

鄂撫請入祀鄉賢疏 禮部准入祀疏

卷一

詩 乙酉丙戌丁亥

卷二

詩 戊子己丑

卷三

詩 庚寅辛卯壬辰

卷四

詩 癸巳甲午乙未

卷五

詩 乙未丙申

卷六

詩 丁酉戊戌己亥

卷七

詩 庚子辛丑

卷八

詩 壬寅癸卯

卷九

詩 甲辰

卷十

詩 乙巳

卷十一

詩 丙午

卷十二

詩 丁未 戊申 己酉

卷十三

詩 庚戌 辛亥

卷十四

詩 壬子癸丑

卷十五

詩 甲寅乙卯

卷十六

詩 丙辰丁巳

卷十七

詩 戊午己未

卷十八

詩 己未庚申

卷十九

詩 庚申辛酉

卷二十

詩 辛酉

卷二十一

詩 辛酉壬戌

卷二十二

詩 壬戌癸亥

卷二十三

詩 癸亥

卷二十四

詩 甲子乙丑

卷二十五

詩 丙寅丁卯

卷二十六

詩 丁卯戊辰己巳

卷二十七

詩 己巳庚午

卷二十八

詩 辛未壬申癸酉

卷二十九

奏議

卷三十

樞言 續樞言

卷三十一

賦

卷三十二

記

卷三十三

序

卷三十四

序

卷三十五

序

卷三十六

贈序

卷三十七

書

卷三十八

書

卷三十九

行狀

卷四十

傳

卷四十一

碑銘

卷四十二

墓表

卷四十三

墓志銘

卷四十四

贊頌銘

卷四十五

跋

卷四十六

雜著

卷四十七

誄祭文
告文

卷四十八

駢體文

卷四十九

駢體文

卷五十

駢體文

卷五十一

詞

卷五十二

附錄

先大父螺洲公生秉異資讀書五行俱下年十五入邑庠一時名宿爭與之遊少喜爲詩古文辭爲之輒工四方來求者日益多久漸成集自丁酉至癸卯所著詩日子壽詩鈔陶鳧香觀察一見大悅出橐金序而刻之甲辰成進士後所著益夥迄於辛亥曰螺洲近稿壬子兵事起吾鄂當其衝輾轉徙避感時憂事未嘗廢吟綴其詩止辛酉曰漆室吟又編壬戌癸亥甲子乙丑四年詩曰壬癸編曰甲乙編後又綜癸酉以前壬戌以後詩總名曰百柱堂詩稿其所著古文辭有樞言上下卷導江三議一卷文集若干卷駢體文若干卷其少時所著秋詞一卷曩爲遵義唐威恪公出貲代刻者又晚年酬

應之作如壽序等篇向未編入集中有不可沒去者又其他
殘零碎篇有可辨識者及已經刊刻如詩鈔漆室吟百杜堂
詩稿樞言導江三議者今並遵公編年之例重加編校彙而
存之名曰百杜堂全集計詩二十八卷文二十二卷詞一卷
附錄一卷通共五十二卷

光緒十有八年歲次壬辰三月孫傳喬敬識